

**UEFA Pravilnik o stadionskoj infrastrukturi**

**Izdanje 2025.**

## Sadržaj

<b>Preambula</b>		4
<b>I - Opšte odredbe</b>		5
Član 1	Područje primjene	5
Član 2	Povezanost sa takmičarskim propisima	5
Član 3	Uloge i odgovornosti	5
Član 4	Definicija pojmova	6
<b>II - Prostori za igrače i službena lica</b>		7
Član 5	Teren za igru	7
Član 6	Prostor za zagrijavanje	7
Član 7	Golovi i rezervni go	8
Član 8	Klupe za igrače i mjesto četvrtog sudije	9
Član 9	Isticanje protokolarnih zastava	9
Član 10	Prostorije u tamičarskoj zoni	9
Član 11	Svlačionice za ekipe i sudije	9
Član 12	Kancelarija za delegate	11
Član 13	Ambulanta za hitnu medicinsku pomoć za igrače i službena lica	11
Član 14	Prostorija za doping kontrolu	11
Član 15	Parking mjesta za ekipe i službena lica	11
Član 16	Reflektorska rasvjeta	11
<b>III - Prostori za gledaoce</b>		13
Član 17	Kapacitet gledalaca po UEFA-i	13
Član 18	Tribine i sadržaji za gledaoce	13
Član 19	Sanitarne prostorije za gledaoce	14
Član 20	Prostorije za prvu pomoć za gledaoce	14
Član 21	Prilazi, izlazi i kretanje publike	14
Član 22	Sistem rasvjete u hitnim situacijama	15
Član 23	Sistem javnog razglasa	15
Član 24	Sadržaji za osobe sa invaliditetom	15
Član 25	VIP sjedišta i prostor za posluž enje	16
Član 26	Parking mjesta za VIP osobe, ostale goste i osoblje	17
Član 27	Kontrolna soba	17
Član 28	Sistem video nadzora	17
<b>IV - Zone za emitere i medije</b>		19
Član 29	Radni prostor za medije	19
Član 30	Radni prostor za fotografe	19
Član 31	Šedišta za medije	19
Član 32	Pozicije za komentatore	19
Član 33	Platforme za kamere	20
Član 34	Studiji za emitovanje	21
Član 35	Pozicije za kratke intervjue	21
Član 36	Prostor za emitere	21
Član 37	Sala za konferencije za medije	22

Član 38	Mix zona	22
<b>V - Završne odredbe</b>		<b>23</b>
Član 39	Neusklađenost	23
Član 40	Aneksi	23
Član 41	Primjena	23
Član 42	Mjerodavna verzija	23
<b>Aneks A - Organizacija terena</b>		<b>24</b>

## **Preambula**

Sljedeći pravilnik je usvojen na osnovu člana 50(1) Statuta UEFA-e.

## **I Ošte odredbe**

### **Član 1 Područje primjene**

1.01 Ovaj pravilnik se primjenjuje kada je to izričito navedeni u posebnim pravilnicima koji uređuju takmičenje koje se igra pod okriljem UEFA-e. Takvi pravilnici mogu sadržati dodatne zahtjeve koji dopunjavaju ili zamjenjuju odredbe ovog pravilnika.

1.02 Ovaj pravilnik uređuje minimalne strukturne kriterijume koje stadion mora ispunjavati kako bi bio klasifikovan (po rastućem redosljedu) kao stadion UEFA kategorije 1, 2, 3 ili 4. Što je kategorija viša, kriterijumi su stroži i brojniji (članovi 5 do 38). Strukturni kriterijumi koji se odnose na određene kategorije predstavljeni su u obliku tabela koje prikazuju razlike između kategorija. Strukturni kriterijumi koji nijesu prikazani u tabelama primjenjuju se na sve kategorije.

1.03 Ovaj pravilnik takođe utvrđuje odgovornosti za praćenje usklađenosti sa strukturnim kriterijumima za traženu kategoriju stadiona i određuju uslove pod kojima administracija UEFA-e može odobriti izuzetak od određenog strukturnog kriterijuma (član 3).

1.04 Ovaj pravilnik ne utiče na pravne obaveze koje proizilaze iz nacionalnog zakonodavstva koje se primjenjuje na stadionsku infrastrukturu.

### **Član 2 Povezanost sa takmičarskim propisima**

2.01 Relevantni pravilnici UEFA takmičenja:

- a) određuju minimalnu kategoriju stadiona koja je potrebna za utakmice u određenom takmičenju;
- b) mogu definisati dodatne i/ili strože strukturne kriterijume za traženu kategoriju od onih navedenih u ovom pravilniku.

### **Član 3 Uloge i odgovornost**

3.01 Svaki nacionalni savez na čijoj teritoriji se igraju utakmice UEFA takmičenja odgovoran je za:

- a) pregled svakog stadiona i popunjavanje odgovarajućeg online obrasca kojim se administraciji UEFA-e potvrđuje da svaki stadion ispunjava strukturne kriterijume tražene kategorije;
- b) potvrđivanje administraciji UEFA-e da su stadioni, uključujući tribine i prateće objekte (sistem osvjjetljenja u slučaju opasnosti, medicinske punktove, zaštitu od ulaska gledalaca na teren itd.), temeljno pregledani od strane nadležnih javnih organa i da su oni pismeno potvrdili da stadioni ispunjavaju sve bezbjednosne zahtjeve propisane važećim nacionalnim zakonodavstvom.

3.02 Administracija UEFA-e donosi odluke o stadionima koji će se koristiti na osnovu navedenog obrasca, potvrda i svih drugih informacija koje UEFA prikupi. Takve odluke su konačne.

3.03 Administracija UEFA-e može u bilo kojem trenutku prije i tokom UEFA takmičenja izvršiti inspekciju stadiona kako bi provjerila da li su ispunjeni potrebni strukturni kriterijumi.

3.04 Administracija UEFA-e može odobriti izuzetke od određenih strukturnih kriterijuma u slučajevima posebnih poteškoća i na osnovu obrazloženog zahtjeva, pod uslovom da stadion ispunjava ključne i/ili dodatne infrastrukturne zahtjeve navedene u relevantnim pravilnicima takmičenja. Izuzeci se uvijek odobravaju na ograničeni vremenski period. Takve odluke su konačne.

3.05 Vlasnik i korisnik stadiona moraju uložiti sve razumne napore kako bi infrastruktura stadiona ispunjavala najviše moguće standarde održivosti.

Posebno se podstiču napori za optimizaciju:

- potrošnje energije i vode
- upravljanja otpadom

Kao referenca, koriste se UEFA Smjernice za održivu infrastrukturu ([UEFA Sustainable Infrastructure Guidelines](#)).

#### **Član 4 Definicije pojmova**

4.01 Za potrebe ovog pravilnika primjenjuju se sljedeće definicije i skraćenice:

##### **Back-up test**

U ovom kontekstu, označava simulaciju gubitka električne energije u određenom području ili sistemu. Glavni cilj je procjena otpornosti i pravilnog reagovanja rezervnih sistema, na primjer rezervnog agregata. Ovakav test pomaže u identifikaciji slabosti u elektroenergetskoj infrastrukturi i osigurava da rezervni sistemi mogu održati ključne funkcije tokom stvarnog nestanka struje.

##### **Black building test**

Test potpunog nestanka električne energije za cijeli objekat. Tokom testa namjerno se prekida napajanje cijelog objekta kako bi se procijenilo kako sistemi stadiona, poput reflektorske rasvjete, funkcionišu u slučaju potpunog prekida napajanja.

##### **Takmičarska zona**

Tehničke zone definisane Pravilima igre IFAB-a i sve zone koje primarno koriste igrači, sudijski tim, službena lica i članovi organizacionog tima stadiona tokom utakmice. Ovo uključuje i poziciju četvrtog sudije, mjesta na tribinama rezervisana za sportske delegacije timova, zonu za VAR pregled (RRA) ako se koristi VAR, tunel za igrače, svlačionice timova i sudija, ambulantu i prostoriju za doping kontrolu.

##### **IFAB**

Međunarodni bord fudbalskog saveza.

##### **Kapacitet gledalaca po UEFA-i**

Sva sjedišta i predviđena mjesta za stajanje na stadionu koja ispunjavaju ove propise, umanjena za mjesta trajno rezervisana za medije i emitere.

##### **VIP**

Visokorangirani gosti ili službena lica takmičarskih ekipa ili UEFA-e koji su pozvani da prisustvuju utakmici.

4.02 Gramatički oblici u muškom ili ženskom rodu koji se koriste u različitim jezičkim verzijama ovog pravilnika samo radi lakšeg čitanja i odnose se na osobe svih rodova, osim ako iz konteksta nije drugačije jasno naznačeno.

## II Prostor za igrače i službena lica

### Član 5 Teren za igru

5.01 Teren za igru mora biti ravan i ujednačen i biti u skladu sa Pravilima igre IFAB-a. Smjernice se mogu pronaći na UEFA Smjernicama za kvalitet terena ([UEFA Pitch Quality Guidelines](#)). Površina mora biti zelene boje, a linije bijele boje. Takođe moraju biti ispunjeni sljedeći zahtjevi:

<u>Kategorija</u>	<u>Dužina</u>	<u>Širina</u>	<u>Dodatni zahtjevi</u>
1 i 2	100 – 105m	64 – 68m	Sistem za zalivanje terena
3 i 4	105m	68m	Podzemni automatski sistem navodnjavanja Grijanje terena i/ili pokrivač za teren (u zavisnosti od lokacije i klime)

5.02 Na terenu za igru ne smiju biti vidljive nikakve druge linije osim fudbalskih, definisanih Pravilima igre IFAB-a.

5.03 Teren mora biti potpuno prekriven: prirodnom travom (100% prirodna trava), ojačanom prirodnom travom (hibrid), ili vještačkom fudbalskom travom (100% sintetička vlakna).

5.04 Vještačka trava mora:

- imati odgovarajući FIFA sertifikat, koji se izdaje nakon testiranja u laboratoriji akreditovanoj od strane FIFA-e;
- imati važeći FIFA Quality ili Quality Pro sertifikat koji zadovoljava zahtjeve takmičenja u trenutku prijave stadiona i tokom cijele sezone;
- ispunjavati sve zahtjeve važećeg nacionalnog zakonodavstva (ako postoje).

5.05 Stadion mora biti projektovan i opremljen tako da je teren za igru upotrebljiv svim takmičarskim danima tokom UEFA takmičarske sezone.

5.06 Nijedna fizička struktura ne smije biti niža od 21 m iznad terena.

5.07 Prostor neposredno uz teren mora biti bezbjedan za igrače, službena lica i sudijski tim. Svaki konstrukcioni element ili fiksna oprema uz teren moraju biti udaljeni najmanje 3 m od linija terena (prema Aneksu A) i najmanje 1 m od zadnjeg dijela mreže gola.

5.08 Najmanje 2 m radnog prostora treba da bude dostupno iza reklamnih panoa kako bi se omogućio rad: skupljača lopti, redara, fotografa, kamera i kamermana. Ako nema dovoljno prostora uz teren, prostor se može obezbijediti na tribinama.

### Član 6 Prostor za zagrijavanje

6.01 Moraju biti određene dvije zone za zagrijavanje rezervnih igrača, po jedna za svaki tim, na istoj strani terena gdje se nalazi klupa tog tima. Zona za zagrijavanje mora biti prekrivena prirodnom ili vještačkom travom, idealno istom kao na terenu. Obje zone moraju imati istu površinu i biti iste veličine,

idealno bi bilo dimenzija 4 m × 20 m ili 3 m × 25 m, što omogućava zagrijavanje pet rezervnih igrača i jednog kondicionog trenera po timu u isto vrijeme. Ako takve zone ne postoje na istoj strani terena na kojoj se nalazi klupa za rezerve odgovarajućeg tima, mora se predvidjeti rješenje iza golova, iza reklamnih panoa (ako postoje).

6.02 Ako se zone za zagrijavanje nalaze neposredno uz teren, mora postojati sigurnosni koridor odmah iza aut-linije. U principu, on mora biti širine najmanje 1 m i označen kako slijedi:

- korišćenjem isprekidanih linija (dužine 50cm sa razmakom od 1m) u diskretnoj nijansi iste boje kao površina terena na koji se nanosi
- i protezati se od tehničke zone do korner zastavice.


6.03 Vještačka trava u zoni za zagrijavanje mora biti visokog kvaliteta, dobro održavana i čvrsto pričvršćena za podlogu.

### **Član 7 Golovi i rezervni go**

7.01 Golovi moraju biti izrađeni od aluminijuma ili sličnog materijala, biti okruglog ili elipsastog oblika i ne smiju predstavljati opasnost za igrače. Osim toga, moraju biti u skladu sa Pravilima igre IFAB-a, što znači da:

- a) razmak između stativ mora biti 7,32 m;
- b) visina od donje ivice prečke do tla mora biti 2,44 m;
- c) stativ i prečka moraju biti bijele boje i iste širine i dubine, maksimalno 12 cm);
- d) go mora biti čvrsto pričvršćen za podlogu.

7.02 Dodatni držači mreže treba da budu postavljeni pod uglom od 45° u odnosu na zadnje uglove mreže i, ako je moguće, najmanje 2 m iza mreže. Ako su postavljeni između go-linije i reklamnih panoa, držači moraju biti obloženi zaštitnim materijalom debljine najmanje 4 cm, da bi se izbjegle mogućnosti povrede igrača ili izlaganje opasnostima i biti jednobojni i ne bijele boje.



Osim toga, svi golovi (uključujući i rezervne) moraju ispunjavati sljedeće kriterijume:

<u>Kategorija</u>	<u>Dodatni zahtjev</u>
1 i 2	n/p
3 i 4	Nijesu dozvoljene dodatne konstrukcije ili fizička potpora unutar mreže ili u njenoj neposrednoj blizini osim šipki za pričvršćivanje mreže i nosača iza mreže. Prenosivi golovi ne smju se koristiti.

7.04 Stadion mora imati najmanje jedan rezervni go koji se može brzo postaviti ukoliko to bude potrebno.

#### **Član 8 Klupe za igrače i pozicija četvrtog sudije**

8.01 Stadioni moraju imati dvije klupe za ekipe smještene sa obje strane sredine terena, paralelno sa aut-linijom, svaka sa najmanje 20 sedišta, i moraju biti udaljene najmanje 4 m od aut-linije sa nesmetanim pogledom na cijeli teren. Sva sedišta moraju biti natkrivena i na odgovarajući način biti odvojena od gledalaca.

8.02 Ako klupa nema dovoljno mjesta prema pravilima odgovarajućih takmičenja, dodatna sedišta moraju biti obezbijeđena pored klupe (ili iza nje ako je klupa smještena na tribinama) sa pristupom svlačionicama. One moraju biti odvojene od gledalaca i po mogućnosti natkrivene. Postavke klupa moraju biti iste za obje ekipe.

8.03 Svaki tehnički prostor i njegove oznake moraju biti u skladu sa IFAB Pravilima igre (*IFAB Laws of the Game*).

8.04 Između klupa mora biti obezbijeđeno mjesto za četvrtog sudiju sa sedištem i stolom, na nivou terena i odvojeno od publike.

#### **Član 9 Postavljanje protokolarnih zastava**

9.01 Stadioni mora imati najmanje pet jarbola za zastave ili odgovarajuću konstrukciju koja omogućava isticanje pet zastava.

#### **Član 10 Prostorije u takmičarskoj zoni**

10.01 U principu, sve prostorije navedene u članovima 11 do 14 treba da budu u istoj zgradi, blizu jedna drugoj, u blizini tunela za igrače, sa pristupom klupama ekipa.

10.02 Sve ove prostorije moraju biti čiste, dobro osvijetljene, ventilisane i/ili grijane, jasno označene i opremljene stabilnom i pouzdanom Wi-Fi mrežom.

#### **Član 11 Svlačionice za ekipe i sudije**

11.01 Stadioni moraju imati najmanje jednu svlačionicu za svaku ekipu, idealno bi bilo sa odvojenim prostorima za igrače, službena lica ekipe, fizioterapiju i skladištenje opreme. Svaka svlačionica ekipa i sudija mora imati:

- tuševe sa toplom vodom
- umivaonike
- toalet papir
- sapun u dozatorima
- fenove za kosu,

i moraju ispunjavati sljedeće minimalne zahtjeve:

<b>Kategorija</b>	<b>Instalacija</b>	<b>Preporučene dimenzije</b>
<b>1 i 2</b>	<b>Sanitarni čvor</b> <ul style="list-style-type: none"> <li>▪ 5 tuševa</li> <li>▪ 2 odvojena sedeća toaleta</li> </ul>	<b>60m<sup>2</sup></b>
	<b>Prostor za presvlačenje igrača i trenera</b> <ul style="list-style-type: none"> <li>• mjesta za šedenje i vješanje opreme ili ormari za najmanje 26 osoba</li> <li>▪ 1 veliki frižider</li> <li>▪ TV monitor (sa odgovarajućim konekcijama za projektor) ili 1 taktička tabla</li> </ul>	
	<b>Fizioterapija</b> <ul style="list-style-type: none"> <li>• 1 sto za masažu</li> </ul>	
	<b>Ostava</b> <ul style="list-style-type: none"> <li>▪ 1 sto i/ili slobodni prostor</li> </ul>	
<b>3 i 4</b>	<b>Sanitarni čvor</b> <ul style="list-style-type: none"> <li>▪ 6 tuševa</li> <li>▪ 3 odvojena sedeća toaleta</li> </ul>	<b>n/p</b>
	<b>Prostor za presvlačenje igrača</b> <ul style="list-style-type: none"> <li>• mjesta za šedenje i vješanje opreme ili ormari za najmanje 23 igrača,</li> <li>▪ 1 veliki frižider</li> <li>▪ TV monitor (sa odgovarajućim konekcijama za projektor) ili 1 taktička tabla</li> </ul>	<b>55m<sup>2</sup></b>
	<b>Prostor za presvlačenje trenera</b> <ul style="list-style-type: none"> <li>▪ mjesta za šedenje i vješanje opreme ili ormari za najmanje 7 članova stručnog štaba,</li> <li>▪ 1 sto</li> <li>▪ 2 stolice</li> </ul>	<b>20m<sup>2</sup></b>
	<b>Fizioterapija</b> <ul style="list-style-type: none"> <li>▪ 3 stola za masažu</li> </ul>	<b>15m<sup>2</sup></b>
	<b>Ostava</b> <ul style="list-style-type: none"> <li>• 1 sto i/ili slobodni prostor</li> </ul>	<b>5m<sup>2</sup></b>

11.02 Stadioni moraju imati sudijsku svlačionicu koja ispunjava sljedeće minimalne zahtjeve:

<b>Kategorija</b>	<b>Instalacija</b>	<b>Preporučene dimenzije</b>
Sve kategorije	<b>Sanitarni čvor</b> <ul style="list-style-type: none"> <li>▪ 2 tuša</li> <li>▪ 1 sedeći toalet</li> </ul> <b>Prostor za presvlačenje</b> <ul style="list-style-type: none"> <li>▪ 1 frižider</li> <li>▪ 1 sto</li> <li>▪ 2 stolice</li> <li>▪ mjesta za šedenje i vješanje opreme ili ormari za 4 osobe</li> </ul>	<b>20m<sup>2</sup></b>

11.03 Idealno bi bilo da se u slučaju mješovitih sudijskih ekipa obezbijedi još jedna svlačionica pored ili makar blizu glavne svlačionice za sudije. Mora ispunjavati sljedeće specifične minimalne zahtjeve:

<b>Kategorija</b>	<b>Instalacija</b>	<b>Preporučene dimenzije</b>
Sve kategorije	<b>Sanitarni čvorovi</b> <ul style="list-style-type: none"> <li>• 1 tuš</li> <li>• 1 toalet</li> </ul> <b>Svlačionice</b> <ul style="list-style-type: none"> <li>• 1 frižider</li> <li>• 1 sto</li> <li>• 2 stolice</li> <li>• mjesta za sjedenje i vješanje opreme ili ormari za 2 osobe</li> </ul>	n/p

11.04 Stadioni moraju obezbijediti direktan, privatn i siguran pristup za obje ekipe i sudije od njihovih svlačionica do terena za igru.

**Član 12 Kancelarija za delegate**

12.01 Stadion mora imati prostoriju rezervisanu za UEFA delegata i kontrolora suđenja (ukoliko su određeni), sa lakim pristupom svlačionicama ekipa i sudija.

**Član 13 Ambulanta za hitnu medicinsku pomoć za igrače i službena lica**

13.01 Stadion mora imati ambulantu za hitne situacije u skladu sa UEFA medicinskim pravilnikom.

**Član 14 Prostorija za doping kontrolu**

14.01 Stadion mora imati posebnu prostoriju za doping kontrolu u skladu sa UEFA Anti-Doping pravilnikom.

**Član 15 Parking mjesta za ekipe i službena lica**

15.01 Mora biti obezbijeden parking za najmanje 2 autobusa, 3 kombija i 7 automobila u bezbjednoj zoni blizu ulaza za ekipe. Ukoliko to nije moguće, mora biti organizovana bezbjedna zona za iskrcavanje (drop-off).

**Član 16 Reflektorska rasvjeta**

16.01 Stadioni moraju imati reflektorski sistem koji omogućava minimalno osvjetljenje prema UEFA Uputstvima za osvjetljenje ([UEFA Lighting Guide](#)).

<b>Kategorija</b>	<b>Horizontalno osvjetljenje (Ev ave)</b>	<b>Vertikalno osvjetljenje (Ev ave)</b>
1	≥ 350 lux-a ili dovoljno da omogući domaćem emiteru da osigura adekvatan prenos utakmice	
2	800 lux-a sa odnosom ujednačenosti od $U_{1h} > 0,4$ i $U_{2h} > 0,6$	350 lux-a na svakoj referentnoj ravni sa odnosom ujednačenosti $U_{1v} > 0,35$ i $U_{2v} > 0,45$

3	1.200 lux-a sa odnosom ujednačenosti od $U1h > 0,4$ i $U2h > 0,6$	700 lux-a na svakoj referentnoj ravni sa odnosom ujednačenosti $U1v > 0,35$ i $U2v > 0,45$
4	1.400 lux-a sa odnosom ujednačenosti od $U1h > 0,5$ i $U2h > 0,7$	1.000 lux-a na svakoj referentnoj ravni sa odnosom ujednačenosti $U1v > 0,4$ i $U2v > 0,5$

16.02 Stadionski sistem mora biti redovno održavan kako bi bio u skladu sa minimalnim vrijednostima osvjetljenja. Sertifikat o osvjetljenju mora biti izdat najviše godinu dana prije prve utakmice ekipe domaćina u UEFA-inim takmičenjima.

16.03 Uz to, mora postojati i nezavisno rezervno napajanje koje omogućava minimalno osvjetljenje u slučaju nestanka struje, i mora biti na raspolaganju da obezbijedi makar sljedeće prosječno horizontalno osvjetljenje:

Kategorija	Za utakmice koje se igraju pod reflektorima	Za utakmice koje se prenose
1	n/p	n/p
2	350 Eh(lux)	350 Eh(lux)
3	350 Eh(lux)	800 Eh(lux)
4	350 Eh(lux)	900 Eh(lux) najviše 15 minuta nakon nestanka struje)

16.04 Test rezervnog napajanja mora se vršiti najmanje jednom godišnje. Sistemi za hitne slučajeve na stadionima moraju biti u potpunosti funkcionalni i u skladu sa zdravstvenim i sigurnosnim normama i standardima zemlje. Kako bi se provjerila ispravna funkcionalnost cijelog stadiona, preporučuje se potpuni blackout test svake četiri godine.

### III Prostor za gledaoce

#### Član 17 Kapacitet gledalaca po UEFA-i

17.01 Stadioni moraju imati sljedeći minimalni UEFA kapacitet za gledaoce, kako je definisano u članu 4.01:

Kategorija	Kapacitet gledalaca po UEFA-i
------------	-------------------------------

1	200
---	-----

2	1500
---	------

3	4500
---	------

4	8000
---	------

17.02 Najmanje 5% UEFA kapaciteta stadiona mora biti rezervisano za gostujuće navijače u posebnom sektoru stadiona. Taj sektor mora biti fizički odvojen od ostalih sektora, a svi povezani servisi (npr. sanitarni čvorovi, ugostiteljski objekti, medicinska pomoć) moraju biti dostupni isključivo gostujućim navijačima tokom cijelog perioda u kojem gostujući navijači imaju pristup stadionu.

17.03 Ako se odobri izuzetak od kategorije stadiona i kapacitet je manji od standardno traženog, i dalje mora biti obezbijeđeno najmanje 5% minimalnog kapaciteta stadiona kategorije koja se inače zahtijeva pravilima takmičenja.

#### Član 18 Tribine i sadržaji za gledaoce

18.01 Šedišta za gledaoce moraju biti pojedinačna, numerisana, čvrsto pričvršćena, izdržljiva, izrađena od materijala koji se ne lomi i nije zapaljiv, sa naslonom minimalne visine 30 cm.

18.02 Tribine moraju biti postavljene na nosivu osnovu i ne smiju se oslanjati na cijevnu ili skelsku konstrukciju. Materijal, dizajn i konstrukcija tribina moraju jasno biti predviđeni za trajnu upotrebu.

18.03 Sektori za stajanje, terase, platforme, klupe i šedišta bez naslona su dozvoljeni/zabranjeni kako slijedi:

Kategorija	
------------	--

1	Dozvoljeni ako su klupe i sjedišta bez naslona čvrsto pričvršćeni
---	-------------------------------------------------------------------

2 – 4	Zabranjeni
-------	------------

18.04 Stadioni moraju biti u dobrom stanju, a sve zone moraju biti čiste i dobro osvijetljene. Ne smije biti rastresitih materijala (kamenje, beton i sl.) koji bi mogli biti opasni, koji bi se mogli bacati ili biti zloupotrijebljeni.

18.05 Prostor za gledaoce mora omogućavati neometan pogled na teren.

18.06 Ugostiteljski sadržaji moraju postojati u svakom sektoru, biti dostupni gledaocima i raditi tokom cijelog perioda boravka gledalaca. Cijene za gostujuće navijače ne smiju biti veće od cijena za domaće navijače.

## **Član 19 Sanitarne prostorije za gledaoce**

19.01 U svakom sektoru mora postojati dovoljan broj trajnih, čistih i higijenskih sanitarnih čvorova pristupačnih i ravnomjerno raspoređenih s najmanje 25% sanitarnih čvorova namijenjenih ženama. Sanitarni čvorovi moraju biti dostupni i u funkciji tokom cijelog vremena dok gledaoci imaju pristup stadionu. Moraju biti osvijetljeni, čisti i higijenski održavani tokom cijelog dana kada se igra utakmica.

Sanitarni čvorovi moraju imati:

- toalete ili pisoare sa ispiranjem
- umivaonike sa čistom vodom
- toalet papir
- peškire i/ili sušače za ruke
- dozatore sa sapunom.

19.02 Stadioni moraju obezbjeđivati 80% kapaciteta za muškarce, uz sljedeće minimalne odnose:

- 1 sedeći toalet i 1 umivaonik na 250 muških gledalaca
- 1 pisoar na 125 muških gledalaca

Istovremeno, kako bi se uzelo u obzir demografske varijacije između utakmica, mora se obezbijediti najmanje 25% kapaciteta za ženske gledaoce, uz sljedeće odnose:

- 1 sedeći toalet i 1 umivaonik na 120 žena u domaćem sektoru
- 1 sedeći toalet i 1 umivaonik na 80 žena u gostujućem sektoru.

Treba takođe uzeti u obzir i različite rodne identitete gledalaca.

## **Član 20 Prostorije za prvu pomoć za gledaoce**

20.01 Svaki sektor mora imati potpuno opremljen medicinski punkt za prvu pomoć, odobren od nadležnih lokalnih vlasti i biti dostupan i u funkciji tokom cijelog perioda dok gledaoci imaju pristup sektoru. U sektorima sa mjestima za osobe sa invaliditetom, medicinski punkt mora biti dostupan svim gledaocima.

20.02 Minimalni standardi medicinskih punktova definisani su u dokumentu UEFA minimalni medicinski zahtjevi za gledaoce ([UEFA Minimum Medical Requirements for Spectators](#)).

20.03 Svi medicinski punktovi moraju biti jasno označeni.

## **Član 21 Prilazi, izlazi i kretanje publike**

21.01 Prilazne rute stadionu, ulazi, izlazi i sve javne zone unutar stadiona moraju biti jasno označeni, adekvatno obilježeni kako bi usmjeravali gledaoce do i od njihovih mjesta, npr. u obliku brojeva, slova ili međunarodno prepoznatljivih piktograma. Signalizacija mora biti prilagođena osobama sa daltonizmom. Ove smjernice se mogu naći na UEFA smjernice za pristupačnost ([UEFA Accessibility Guidelines](#)).

21.02 Ulazne kapije i/ili okretno rampe moraju biti projektovane tako da sprječavaju gužve i omogućavaju nesmetan protok gledalaca.

21.03 Na svakom ulazu moraju biti istaknuta pravila stadiona i zabranjeni predmeti, idealno u obliku međunarodno prepoznatljivih piktograma.

21.04 Svi ulazni putevi, izlazi i rute kretanje moraju biti jasno odvojeni od sektora za šezanje. Ulazna vrata i kapije moraju biti funkcionalni, imati jasnu univerzalnu signalizaciju.

21.05 Sva vrata i kapije koja predstavljaju dio ruta za evakuaciju, i sve kapije koje vode od javnih zona prema terenu za igru (ukoliko je dostupno), moraju:

- a) biti operativni (ali pod nadzorom redara) sve dok gledaoci borave na stadionu
- b) otvarati se vani u pravcu izlaza i evakuacije.

21.06 Dodatno, stadioni moraju zadovoljavati sljedeće uslove po pitanju kontrole pristupa:

Kategorija	Dodatni zahtjevi za kontrolu pristupa
1 i 2	n/p
3 i 4	Svi javni ulazi moraju biti opremljeni okretnim rampama i elektronskim sistemom za kontrolu ulaznica, dizajniranim da se spriječi korišćenje falsifikovanih ulaznica koji će dostavljati informacije o protoku ljudi u realnom vremenu i brojevima ulaza na centralnu tačku s ciljem sprječavanja prenatrpanosti na stadionu u cjelini ili u pojedinačnim sektorima. Mora postojati najmanje jedna okretna rampa na svakih 660 gledalaca.

## **Član 22**      **Sistem rasvjete u hitnim situacijama**

22.01 Zbog obezbjeđivanja sigurnosti i usmjeravanja gledalaca i osoblja u slučaju kvara opšte rasvjete, stadioni moraju biti opremljeni sistemom rasvjete u hitnim situacijama koji je odobrila nadležna lokalna vlast, koji pokriva sva područja stadiona, uključujući sve izlazne i evakuacione puteve, i koji je povezan na rezervni izvor napajanja.

## **Član 23**      **Sistem javnog razglasa**

23.01 Stadioni moraju imati sistem razglasa koji istovremeno može prenositi poruke preko zvučnika na svim djelovima stadiona.

23.01 Sistem razglasa mora biti povezan sa rezervnim napajanjem i biti dovoljno glasan da se može čuti i unutra i van stadiona u svim uslovima.

## **Član 24**      **Sadržaji za osobe sa invaliditetom**

**24.01** Stadioni moraju imati posebne sadržaje za osobe sa invaliditetom i potpuno pristupačne rute za ulaz i izlaz, mjesta za iskrcavanje, parking, pristupačne staze, blagajne, sedišta i sadržaje za osobe sa invaliditetom i njihove pratiocice.

24.02 Sva pristupna mjesta moraju imati neometan pogled na teren i biti numerisana. Uz to, sva mjesta za invalidska kolica moraju biti označena međunarodnim simbolom invaliditeta na podu kao i mjesta za

pratioca ili ličnog asistenta. Uputstva se mogu naći na UEFA smjernice za pristupačnost ([UEFA Accessibility Guidelines](#)).

24.03 Stadioni moraju biti opremljeni mjestima za korisnike invalidskih kolica.

Preporučeni odnos mjesta za korisnike invalidskih kolica za domaće navijače iznosi 0.5% od UEFA kapaciteta stadiona rezervisanog za domaće navijače, a minimalni zahtjev je 0.1%.

**Minimalni broj mjesta za gostujuće navijače predviđen je u donjoj tabeli:**

UEFA kapacitet stadiona	Mjesta za korisnike kolica za gostujuće navijače
do 200	2
201 – 1.500	4
1.501 – 4.500	6
4.501 – 8.000	8
8.001 – 20.000	10
20.001 – 30.000	12
30.001.-.40.000	15
40.001 i više	20

24.04 Gledaoci sa invaliditetom treba da sede sa svojim navijačima. Ako nije moguće smjestiti gostujuće navijače sa invaliditetom u gostujući sektor, mora se obezbijediti bezbjedna alternativa.

24.05 Stadioni moraju imati pristupne ugostiteljske sadržaje u svakom sektoru u kojem postoje sedišta za gledaoce sa invaliditetom.

24.06 Ugostiteljski sadržaji treba da imaju prioritete trake za gledaoce sa invaliditetom koje vode do nižeg pulta koji pruža pristupačnije sadržaje za gledaoce s invaliditetom.

24.07 Stadioni moraju obezbijediti sljedeći minimalni odnos fiksnih, čistih, higijenskih i potpuno pristupačnih sanitarnih čvorova za korisnike invalidskih kolica unutar stadiona. Ne bi trebali biti udaljeni više od 40 m od prostora za korisnike invalidskih kolica, unutar istog sektora, i biti potpuno opremljeni u skladu sa Smjernicama za pristupačnost UEFA-e ([UEFA Accessibility Guidelines](#)).

- Minimum 1 za do 15 korisnika invalidskih kolica.
- po jedan dodatni za svakih 10 dodatnih korisnika invalidskih kolica.

#### **Član 25 VIP sedišta i ugostiteljska zona**

25.01 Stadioni moraju imati najmanje sljedeći broj VIP sedišta:

Kategorija	Šedišta
1 i 2	50
3	75
4	100

25.02 VIP sedišta moraju biti natkrivena i nalaziti se između linija šesnaesterca, što je moguće bliže liniji centra.

25.03 Stadioni moraju imati posebnu ugostiteljsku zonu sa direktnim pristupom VIP sedištima.

25.04 VIP zone moraju biti pristupačne osobama u invalidskim kolicima.

---

#### **Član 26            Parking za VIP goste i osoblje**

---

26.01 Stadioni moraju imati sljedeći minimalni broj parking mjesta na sigurnom i bezbjednom mjestu za VIP goste, ostale goste i osoblje:

<b>Kategorija</b>	<b>Parking mjesta</b>
1	20
2	50
3	100
4	150

26.02 Stadioni moraju imati dovoljno mjesta za iskrcavanje osoba sa invaliditetom ili sa smanjenom pokretljivošću shodno lokalnim standardima.

---

#### **Član 27            Kontrolna soba**

---

27.01 Mora se obezbijediti kontrolna soba za osoblje i službenike koji su odgovorni za bezbjednost, servisne službe, tj. za policijskog komandira, komesara za bezbjednost stadiona i njihovo osoblje. Mora zadovoljavati sljedeće kriterijume:

<b>Kategorija</b>	<b>Osnovni sadržaji</b>	<b>Dodatni zahtjevi</b>
1	n/p	n/p
2	Kontrolna soba s pregledom na unutrašnjost stadiona, opremljena radio komunikacijom koja omogućava komunikaciju između osoblja i službenika odgovornih za sigurnost, zaštitu i servise na stadionu	n/p
3 i 4	Kontrolna soba s pregledom na unutrašnjost stadiona, opremljena radio komunikacijom koja omogućava komunikaciju između osoblja i službenika odgovornih za sigurnost, zaštitu i servise na stadionu	Opremljena monitorima u boji koji su povezani sa video nadzorom uživo i dodatnim monitorima koji prikazuju podatke uživo iz sistema za elektronsku kontrolu karata

---

#### **Član 28            CCTV (video nadzor)**

---

28.01 Stadioni moraju ispunjavati sljedeće zahtjeve po pitanju CCTV nadzora:

**Kategorija**

---

1 i 2 n/p

---

- 3 i 4 Sistem videonadzora koji koristi kamere u boji sa funkcijama panorame, nagnjanja i zumiranja i pokriva sve prilaze i ulaze stadionu, kao i sve javne površine unutar stadiona. Područja unutrašnjosti stadiona koja se ne mogu direktno gledati iz kontrolne sobe moraju biti pokrivena sistemom videonadzora. Kamere moraju biti sposobne da snimaju pokretne slike kao i fotografije.

#### **IV Zone za emitere i medije**

##### **Član 29 Radni prostor za medije**

---

29.01 Stadioni moraju imati najmanje jednu prostoriju opremljenu stolovima, napajanjem i internet konekcijama za korišćenje kao radni prostor za predstavnike medija.

29.02 Radni prostor za medije mora obezbjeđivati sljedeće minimalne pozicije za predstavnike medija:

<b>Kategorija</b>	<b>Minimalni broj pozicija za medije</b>
-------------------	------------------------------------------

---

1	10
---	----

---

2	20
---	----

---

3 i 4	30
-------	----

---

##### **Član 30 Radni prostor za fotografe**

---

30.01 Radni prostor za fotografe mora imati stolove, stolice i utičnice za struju, imati pouzdane i stabilne internet veze i pružati direktan pristup terenu. To može biti i odvojeni prostor u posebnom dijelu radnog prostora za medije (čija ukupna veličina mora biti shodno povećana), ali je poželjnija zasebna prostorija. Mora zadovoljiti sljedeći minimalni broj radnih mjesta:

<b>Kategorija</b>	<b>Minimalni broj radnih pozicija za fotografe</b>
-------------------	----------------------------------------------------

---

1 i 2	n/p
-------	-----

---

3	15
---	----

---

4	20
---	----

---

##### **Član 31 Šedišta za medije**

---

31.01 Stadioni moraju imati poseban prostor na tribinama koji je rezervisan za štampane medije i radio komentatore. Mora biti natkriven i centralno smješten (tj. između linija šesnaesteraca), idealno na istoj strani kao i glavna platforma za kamere, s nesmetanim pogledom na cijeli teren za igru i njegovu neposrednu okolinu kao i lakim pristupom drugim medijskim prostorima.

31.02 Osim toga, stadioni moraju ispunjavati sljedeće kriterijume u vezi pokrivenih mjesta za sedenje:

<b>Kategorija</b>	<b>Minimalni broj sedišta</b>	<b>Minimalni broj sedišta sa stolovima</b>
-------------------	-------------------------------	--------------------------------------------

---

1	10	5
---	----	---

---

2	20	10
---	----	----

---

3	30	15
---	----	----

---

4	60	30
---	----	----

---

31.03 Svaki sto mora biti dovoljne veličine da se na njemu može smjestiti laptop i biti opremljen dovodom struje i internet konekcijom.

##### **Član 32 Komentatorske pozicije za emitere**

---

32.01 Stadioni moraju imati sljedeći minimalni broj komentatorskih pozicija za emitere:

<b>Kategorija</b>	<b>Minimalni broj komentatorskih pozicija za emitere</b>
1	1 (samo za utakmice koje se prenose)
2	3
3	5
4	10

32.02 Pozicije komentatora moraju biti pokrivene i centralno smještene između dvije linije šesnaesteraca, na istoj strani kao i glavna platforma za kamere. Moraju imati nesmetan pogled na cijeli teren za igru i njegovu neposrednu okolinu, omogućavati lak pristup drugim medijskim prostorima i biti sigurne i dostupne samo ovlašćenim osobama. Iza sedišta mora biti dovoljno prostora da se drugi komentatori mogu pomjeriti na svoja mjesta.

32.03 Svaka komentatorska pozicija mora biti opremljena stolom minimalne širine 180 cm, imati najmanje tri sedišta, telefonsku liniju, napajanje struje, rasvjetu i internet vezu.

### **Član 33 Platforma za kamere**

33.01 Da bi se obezbijedio optimalni kvalitet slike, sva platforme za kamere moraju biti:

- ravne
- čvrste
- bez vibracija
- pružati neometan pogled na cijelo igralište i njegovu neposrednu okolinu;
- biti pokrivene;
- imati glatku, neklizajuću površinu na podlozi;
- biti sigurne i stabilne za pristup;
- pružati zaštitu sa svih strana pomoću zaštitne ploče visoke najmanje 75 mm

33.02 Glavna platforma kamere mora biti postavljena tačno u liniji sa središnjom linijom, okrenuta od zalazećeg sunca. Mora biti postavljena na visini iznad terena koja garantuje optimalan i neometan pogled na cijeli teren za igru i njegovu neposrednu okolinu i, u principu, prilikom fokusiranja na centralnu tačku na terenu, mora biti pod uglom od 12 do 15 stepeni u odnosu na horizontalnu ravan.

33.03 Dodatno, platforma za glavnu kameru mora ispunjavati sljedeće zahtjeve:

<b>Kategorija</b>	<b>Platforma za glavnu kameru</b>
1	Najmanje 2 m širine x 2 m dubine, za smještaj jedne kamere (samo za utakmice koje se prenose)
2 i 3	Najmanje 4m širine x 2m dubine, za smještaj dvije kamere
4	Najmanje 6m širine x 2m dubine, za smještaj najmanje tri kamere

33.04 Dodatne platforme za kamere su potrebne kako slijedi:

<b>Kategorija</b>	<b>Dodatne platforme za kamere</b>
-------------------	------------------------------------

1 i 2	Kao i za kategorije 3 i 4, ako se stadion koristi u takmičenju za koje je predviđena upotreba VAR-a
3 i 4	Dvije platforme za kamere u liniji sa šesnaestercom, smještene na istoj strani i makar na istoj visini kao i glavna platforma za kamere, svaka dimenzija makar 2 m širine x 2 m dubine na kojoj bi mogla da se smjesti jedna kamera naspram linije šesnaesterca.
4	Jedna platforma za kameru iz suprotnog ugla centralno smještena na tribinama nasuprot glavne kamere, dimenzija najmanje 2 m širine x 2 m dubine za smještaj najmanje jedne kamere. Dvije platforme za kamere smještene na tribinama, po jedna iza svakog gola, svaka dimenzija najmanje 2 m širine x 2 m dubine za smještaj jedne kamere na visini koja omogućava nesmetan pogled na tačku jedanaesterca iznad prečke.

#### **Član 34 Studio za emitere**

34.01 Stadioni moraju biti opremljeni prostorijama koje ispunjavaju sljedeće zahtjeve i mogu se koristiti kao studiji za emitovanje, ako je potrebno:

Kategorija	Minimalni broj prostorija	Minimalna veličina	Dodatni zahtjevi
1 i 2	1 prostorija	5m dužine x 5m širine 2.5 visine	n/p
3	2 prostorije	5m dužine x 5m širine 2.5m visine	n/p
4	2 prostorije	5m dužine x 5m širine 2.5m visine	Najmanje jedan od dva studija mora biti studio s pogledom na teren i nesmetanim pogledom na cijelo igralište.

#### **Član 35 Pozicije za Fleš intervjue**

35.01 Stadioni moraju imati prost između terena i svlačionica koji se može koristiti za pozicije za kratke intervjue, đe se mogu voditi intervjui uživo.

35.02 Pored toga, prostor određen za pozicije za kratke intervjue mora ispunjavati sljedeće zahtjeve:

Kategorija	Dodatni zahtjevi
1 i 2	n/p
3 i 4	Dovoljno velike za smještaj najmanje četiri pozicije, svaka 4m dubine x 3m širine

#### **Član 36 Zona produkcije**

36.01 Stadioni moraju imati obezbijedenu produkcionu zonu koja se može koristiti kao vanjski parking za vozila TV kompanija koje prenose utakmice. Ova zona mora biti najmanje sljedeće veličine:

Kategorija	Minimalna veličina voznog parka
1	300m <sup>2</sup>
2	400m <sup>2</sup>
3	600m <sup>2</sup>

36.02 Zona produkcije mora:

- a. biti smještena uz stadion, idealno na istoj strani kao i glavna platforma za kamere, s dostupnim napajanjem strujom;
- b. osigurati čist, čvrst i ravan parking prostor za velika i teška vozila (kamione >40 tona);
- c. imati dovoljnu drenažu tako da nijedan kablovski sistem, oprema ili vozila ne budu u opasnosti od kontakta sa stajaćom vodom;
- d. biti bez ikakvih prepreka, poput drveća, zgrada i ivičnjaka, te nuditi nesmetan pristup vozilima hitne pomoći;
- e. nuditi ili jasan, nesmetan pogled na jugozapadni do jugoistočni horizont ili biti unutar 50 m od odvojenog područja satelitske veze (mjereno od ivice kompleksa za emitovanje);
- f. biti osvijetljen prosečnom vertikalnom svetlošću od najmanje 100 lux-a kako bi se emiterima omogućio rad noću;
- g. imati dovoljno sadržaja poput kanti za smeće i toaleta.

---

**Član 37            Sala za konferenciju za medije**

---

37.01 Stadioni moraju ispunjavati sljedeće zahtjeve u pogledu sala za konferencije za medije:

<b>Kategorija</b>	<b>Lokacija i sadržaji</b>	<b>Minimalni broj sedišta</b>
1	Ukoliko prostor dozvoljava, sala za konferencije za medije mora se nalaziti unutar stadiona. Može biti dio radnog prostora za medije	n/p
2	Sala za konferencije za novinare mora biti dostupna unutar stadiona. Može biti dio radnog prostora za medije i mora biti opremljena čeonim stolom i podijumom, platformom za kamere, zvučnim sistemom (mikrofoni, zvučnici i split box) i odgovarajućim osvetljenjem za prenos.	
3		
4	Sala za konferencije za medije mora biti dostupna unutar stadiona. Mora biti opremljena čeonim stolom i podijumom, platformom za kamere dovoljno velikom da mogu da se na njoj smjeste najmanje 8 kamera, zvučnim sistemom (mikrofoni, zvučnici i split boks sa najmanje 16 izlaza) i odgovarajućim osvetljenjem za prenos.	

---

**Član 38            Miks zona**

---

38.01 Stadioni moraju imati prostor na putu od svlačionica do voznog parka za ekipe koji se može pretvoriti u miks zonu, đe akreditovani predstavnici medija mogu obavljati intervjue s igračima i trenerima nakon utakmice. Pored toga, miks zona mora ispunjavati sljedeće zahtjeve:

<b>Kategorija</b>	<b>Dodatni zahtjevi</b>
1 do 3	n/p
4	Da bude natkrivena i dovoljno velika da primi najmanje 50 predstavnika medija.

---



## V Završne odredbe

### **Član 39**            **Neusklađenost**

---

39.01 Svako kršenje ovog pravilnika može biti kažnjeno od strane UEFA-e u skladu s Disciplinskim pravilnikom UEFA-e.

### **Član 40**            **Prilozi**

40.01 Svi prilozi čine sastavni dio ovog pravilnika.

### **Član 41**            **Primjena**

41.01 Administracija UEFA-e ima pravo da usvoji sve vrste smjernica, direktiva, priručnika, vodiča ili bilo kojih drugih alata koji pomažu u primjeni ovog pravilnika.

41.02 Savezi i klubovi će biti redovno obavještavani o postojanju i izdavanju takvih informativnih alata putem cirkularnog pisma.

### **Član 42**            **Mjerodavna verzija**

42.02 U slučaju bilo kakvih nesuglasica u tumačenju engleske, francuske ili njemačke verzije ovog pravilnika, engleska verzija će imati prednost.

### **Član 43**            **Usvajanje, stupanje na snagu i ukidanje**

43.01 Ovaj pravilnik je usvojio Izvršni odbor UEFA-e na sastanku 16. decembra 2024. godine.

43.01 On stupa na snagu 1. juna 2025. godine.

43.03 On zamjenjuje UEFA-in Pravilnik o stadionskoj infrastrukturi (izdanje iz 2018. godine).

Za Izvršni komitet UEFA-e:

Aleksander Čeferin  
Predsjednik

Theodore Theodoridis  
Generalni sekretar

Lozana, 16. decembar 2024.

